

Ngambay - Yoo Maktub - Free from Death Scriptures

Rōmə 6:23 Mbata nékoga dō ji kaiya lé to yoo, nē nojikwa lə Jehova gé yeę wa sə sí lé to kəmə gé gə nō lé gé j'a kiŋga loo kōm nā'd gə Jeju Kristi Mbaidombaije lə sijęę lé.

Rōmə 8:2 Təgərə ya, godndu ką Ndil gé ką kisi kəmba gin Jeju Kristi lé or ta godndu gé ką kaiya gé ką yoo lé dōm'g.

2 Timote 1:10 Nē yeę riba dō noji neelé basinè ar sí loo gé yeę ar Jeju Kristi Mbaičaji lə sí ree ləm, aree ila ne tuji dō yoo'g ləma, ar kəm dəwje inja dō kəmə'g gə dō kankəmrō dee gé a to gə nō gə goo Tagémaji ləm tō.

Jōb 5:2 Dəw gé gər né el lé tuji dan ong'd ləa ləm, Mbə-dəw lē wəi dan meekj jugugu'g ləa ləm tō.

Ojee 13:14 See m'a kuga dō dee kōr dee ne ji singamoŋ lə bee lə njé gé d'wəi'g Esé m'a kōr dee ji yoo'g wa. Əi yoo, see nékad ləi to ra wa. Əi bee lə njé gé d'wəi see nétujiloo ləi to ra wa. Nē koo kəmtondoo lē iya rəa kəm'g bəi.

Pakosje 9:14 Njesigəneq, maji kari oo kəm lootondoo'g ya kari, Oo némeekq gé njébaje ləm d'am m'isi danee'g, Maji kari ɔrm tarəwkəg'd lə yoo,

Jōb 6:26 See sej ndigi gaŋje ta dō taje'g ləm, Kooje gé ta lə dəw gé to ta yoo'd gé ta ləa dəs to gé lel bəe wa.

Jōb 33:22 Yeę aw pər gé bwa-dōbar'g ləm Kəmə ləa ŋəs gé mbər deę gé to njékajkulaje'g lə yoo ləm tō.

Ejekel 37:12,13 Bèe ba maji kari tegginta ula dee pana: Mbaidombaije gé Njesigəneq pa togébə pana: Aa ooje, əi koso-dəwje lə neę, n'a gə kar ta dōbarje lə sí teeę kar sí undaje loo keneę teeje ləm, n'a tel ree sə sí mee bee gé Israël gogo ləm tō. 13 Yen ba əi koso-dəwje lə neę, sej a gərje ne to gé neę n'to Njesigəneq loo gé n'a kar ta dōbarje lə sí teeę kar sí undaje loo keneę teeje.

Matiyo 27:52 ta dōbarje tel to tag bəndəŋ-bəndəŋ ar njé gé naje gé to gə kəmee gé d'wəi ləw lé d'unda loo teeę ləm tō.

Gj-Néje 2:7 Njesigəneq Jehova ra dəw gə nduji naŋ. Yeę tō kəmə gé ką si kəmba rəw əmee'g ndá dəw lə tel to dəw gé si kəmba ya.

Gj-Néje 6:17 Ma nja m'a kar mán bél'm ree taa loo pəl-pəl dō naŋ nee gə mba tuji nékundaje lai gé d'aw kəmba gin dara'g lé, néje lai-lai gé dō naŋ nee lé d'a tuji ya.

Gj-Néje 7:15 Nékundaje lai gé d'aw kəmba lé d'andə gə Noe nā'd mee kəi-kag'd joo-joo.

Gj-Néje 7:22 Nékundaje lai gé d'əmə gə əm dee gé d'aw ne kəmba dō naŋ gé tudu'g lé d'wəi mburug ya.

Jōb 12:10 Yeę wa kəmə lə néje lai gé d'aw kəmba lé jia'g ləm, Kəmə lə dəwje lai kara to jia'g ləm tō.

Jōb 33:4 Ndil Jehova ba undam, Kəmə lə Bao-singamoŋ ba am m'isi ne kəmba

ya.

Néra Njékaikulaje 17:25 Ji dəw a koo loo ra né karee el mbata yeę aw ndòo né kára kara el tɔ. Yeę nja ba ar dəwje lai d'aw kembə ləm, ar dee d'əmə ləma, ar dee néje lai gé deę d'aw ndòo dee ləm tɔ.

Loo gé killa rea kəm Ja'g 13:15 Yeę ra boo-nékobje saar ar pər i̊ dara ree sur-sur dɔ naŋ nee kəm dəwje'g.

Ja 10:10 Yeę gé njebogo lé yeę ree mba bogo dee ləm, mba tija gwɔs dee ləma, mba busu dee ləm tɔ. Ma lé m'ree mba kar badje d'isi gé kəmə lé ləm, kar dee d'isi dan nékulrɔ dee'g ləm tɔ.

Esai 28:15 Sej pajena: Jeę manje rɔ sí j'ar yoo ləm, Jeę j'omje ta lə sí na'd gə bee lə njé gé d'wəi ləm tɔ, Loo gé néyoo gé a kun loo lad-lad a dəs Ndá a teę dɔ sí'g el, Mbata tanjomje ba gé njoloo-kula-dɔ lə sí ləm, Néra gé gə goo rəbee el ba gé né gé ɔ dɔ sí ləm tɔ.

Esai 28:18 Manrɔ gé sej manje rɔ sí gə yoo lé A tuji pugudu ləm, Kəm gə sej omje na'd gə bee lə njé gé d'wəi lé kara A godo ləm tɔ. Loo gé néyoo gé un loo lad-lad a gə dəs ndá Yee a tuba sí gə gɔlee mbajila-mbjajila.

Esai 5:24 Gelee gé nee ba to gé ndq pər ɔ ne ləm mu ləm, Pər ɔ ne mu gə tudu ləm tɔ lē Dgira dee a to to gé né gə ndum bëe ləm, Pudu dee a sané pá asəna gə kor bëe ləm tɔ, Mbata deę d'əji godndu Njesigəneq gé njebboo-néje bəj-bəj ləm, Deę d'oo tapa Njemeenda lə Israelje gə né gə to kəji kəm dee'g ləm tɔ.

Joel 1:12 Kag-nduú tudu ləm, Kag-kodé unda kuji ləma, Kag-dj gə kag-tumbur gə kag-pɔmə Kag-soje lai gə to mee ndɔje'g ndölé ləm tɔ. Rəlel godo mbuna dəwje'g!

Ojee 13:15 Lée nékiŋgaje lə Eprayimje to yaq mbuna ŋakəq deeje'g kara Lel gə a kij bər lē a kula dɔ dee'g ləm, Lel lə Njesigəneq a kij dɔdilaloo'g kula ləm tɔ Ndá kəm-rəw-manje lə dee d'a tudu kurum-kurum ləm, Manje lə dee gə d'ai kuji-kuji kara d'a kyi tə-tə ləma, Kəi-nébajoje gə néje gə to ŋgonkəm dee to keneŋ lē D'a kunda deę lai gə nébanrɔ kaw ne ləm tɔ.

Loo gé killa rea kəm Ja'g 22:1 Yeę am m'oo baa gə i̊ gin kalimbai'g lə Jehova gə kə Dgonbad'g lē tɔ. To mán kəmə gə ndul konono asəna gə mán gə ndil ku'g bëe.

Ja 4:10 Jeju ilá keneŋ pana: Bó lē i gər nojikwa gə Jehova lē a kwa gə dəwje ba gər yeę gə kwɔii mán pana: Ar neę mán n'ai ndá i nja a kij kédé kwɔiyee mán-kai, bëe lē yeę kara a kari mán gə àr yal-yal gə aji teę kuji-kuji tɔ.

Ja 4:14 Nə nana ba a kai mán gə m'a karee neelé ndá kunda a tɔlee gogo el ŋga. Man gə m'a karee lē a tel to ŋgira mán mée'g gə a kai teę kuji-kuji ndá yeę a si gə kəmə gə gə nq lē mée'g.

Gosota-Kəmkärje 13:14 Néndoo lə njekəmkär to ŋgira mán kəmə, Mba karee ga ne dɔ gumje lə yoo.

Gosota-Kəmkärje 14:27 Bəl Njesigəneq lé to ŋgira mán kəmə Mba kari ga ne dɔ gum lə yoo.

Ejekel 13:17-23 Ma ḥgon-dəw lē maji kam m'turu kəm par gé dō ḥganje gé dené'g lə koso-dəwje ləm gé d'aw tegginta gé i meę̄ dee-deę̄'g ya lē ndá m'tegginta m'woji ne dō dee. 18 M'a pana: Mbaidombaije gé Njesigeneq pa togébè pana: Meeko a koso dō denéje gé njékəs gajije kar dəwje lai nim dō kuru ji dee'gje ləm, gə dō njékiji kubu gé woilɔje kar njé gé ḥgal əsé njé gé gwɔji d'ila dō dee'g mba karee to gum kwa dəwje lē ləm tō! See sej əjije mee s'i'g pajena: A kwaje koso-dəwje lə neę̄ ḥga lal kwa sí-sej wa. 19 Sej ulaje sul dō neę̄'g rō koso-dəwje'g ləm, tolje ne dəwje gé kəm kar dee d'wəi el bəi ləm, ne yaje dəwje gé kəm kar dee d'isi kəmba el lē kəmba ləm tō mba kiŋga ne nduji kó-blé as ḥgo ji dəwje ləm, gə gon muruje ba ya ləm tō. Bèe ba sej ərje ne kəm koso-dəwje lə neę̄ ar deeje tuga ne mbi dee gé dō tanqom'g. 20 Gelee gé nee ba Mbaidombaije gé Njesigeneq pa ne togébè pana: Aa ooje, gumje lə sí gé sej aw waje ne dəwje to gé yelje bée lē neę̄ ndigi ra sə dee né ndá n'a ti dee dō ji síje'g mbidi-mbidi. Dəwje gé sej saŋje mba kwa deeje to gé yelje bée lē n'a taa dee kəm dee tar. 21 Kubu-kila-doje'g lə sí gé woilɔ lē n'a til ḥgərərə-ḥgərərə ndá n'a taa koso-dəwje lə neę̄ ji s'i'g kəm dee tar. D'a tel to gé nékwa lə sí gogo el ḥga, bée ba sej a gərje ne to gé neę̄ n'to Njesigeneq ya. 22 Mbata sej arje mee njemeekarabasur pélé wəs-wəs gə tanqomje loo gé neę̄ nja n'ula kəmee ndòo el ləm, mbata sej arje ji njemeeyèr bar mèr-mèr mba kɔgee ne loo kuba rəw néra ləa gé majel kyä mba si ne kəmba ləm tō. 23 Sej a kooje némidiye gé gə midé-midé lē el ḥga ləm tō, n'a taa koso-dəwje lə neę̄ ji s'i'g kəm dee tar. Bèe ba sej a gərje ne to gé neę̄ n'to Njesigeneq ya.

Jeremi 21:8 Njesigeneq ula koso-dəwje neelé ta nee togébè pana: Aa ooje, neę̄ n'unda rəw ką kisi kəmba ləm, gə ką kwəi ləm tō no s'i'g.

Job 34:22 Loo gé ndul njudu-njudu gé dəb bigim Gé njéra né kori-korije d'askəm k'iya rō dee kenej lē godo.

Pakosje 16:10 Mbata i a kyä'm bee lə njé gé d'wəi'g lē el ləm, Yeę̄ gé i undá dan kəmi'g lē I a kyä k aree unda naŋg ndəs el ləm tō.

Pakosje 23:4 Loo gé m'njaa mee wəl-yoo gé ndul'g lē ndá M'a bəl némajel kára kara kenen el Mbata i nja nai səm, Duguru-kag gə kag-dugu gé to jii'g lē Ar məəm oso ne naŋg po.

Pakosje 30:4 Njesigeneq, i nja am m'unda loo m'tee dan njé gé d'wəi'g, I nja am m'tel m'isi kəmba əw gə deę̄ gé d'uru mee bwa-dəbar'g lē.

Pakosje 49:16 Ne Jehova a taa kankəmrəm bee lə njé gé d'wəi'g Mbata yeę̄ a kaij bada dəm'g.

Pakosje 56:14 Mbata i lē ɔrm ta yoo'g ləm, I ar gołm ɔs rəw lal el ləm tō Gə mba karm m'njaa ne no Jehova'g lē Dan lookär'g lə njésikembaje'g.

Pakosje 68:21 Jehova to Jehova gé njekaji sí, Njesigeneq, Mbaidombaije lē askəm kör sí ta yoo'g.

Pakosje 89:49 See dəw gé a si kəmba lal koo yoo si gən wa. See dəw gé askəm kog rəa kaw bee lə njé gé d'wəi'g lē si gən ya wa.

Pakosje 102:20,21 Mbata yee si loo lea ge to tar sab ge woji do meenda lea Aa ne loo gererem lom, Njesigeneq le si sem dara ge tar nu ya lla kemee oo ne loo ge do naaj nee lom to 21 Ge mba koo ne ndu tumaq le deej ge d'wa dee ge ber lom, Mba taa ne do deej ge d'a ge tuji ya lom to.

Pakosje 116:8 Oiyo, i le orm ta yoo'g ya lom, I bor man-noq ge kem'g loma, I aa dom ar ne tuga golem el lom to.

Gosota-Kemkärje 10:2 Nébaoje ge ge goo rabee el le Majee godo, Ne néra ge ge do najee le Or dew ta yoo'g.

Esai 26:19 Maji kar njé'g lej ge d'wai le tel d'isi kemba, Maji kar nin dewje lom d'i tar! Ndelje do bi'g, alje ro si ge rölel, Sej ge rogoje babur'g! Mbata man-tal lej to man-tal Gé ka kar dew si ne kemba lom, Naaj a tejj ge ndil njé ge d'wai le Kar dee d'isi kemba gogo lom to.

Jä 5:28,29 Arje kaar si ndeb do ta'g neelé el, mbata kar kar dewje lai ge to bwa-döbar'g le d'oo ndia ba d'a tejj bai le karee si ree lom, ree mbä lom to. 29 Deej ge to njéra néje ge maji le d'a tejj ge mba kisi ge kemæ ge ge no ya ne deej ge njéra néje ge majel le d'a tejj ge mba kar dee gaaj rëwta do dee'g to.

Jä 10:28 M'ar dee d'isi ge kemæ no le ndá d'a kudu ndä el lom, dew kára kara as nar dee jim'g el lom to.

Jä 11:43,44 Loo ge yee pata neelé mbä ndá yee pata ge ndia ge boi wäl pana: Lajaré, unda loo tejj raga! 44 Yee ge wai le unda loo tejj ge kubu ge deej ke ne golee ge jia ge yee ge d'q ne kemeeje le buru möngongo to. Jeju ula dee pana: Tudeje yáje areeje od aw.

Jä 12:17 Deej lai ge d'aar ge Jeju loo ge yee bar Lajaré loo ge yee to mee bwa-yoo'g ba aree unda loo tejj dan njé ge d'wai'g bai le deej d'or ta lea maji.

Jä 17:2 Ge goo dömoj ge i ula do Ngoni'g aree to ne dew do dewje lai-lai le togébè ba deej lai ge i om dee jia'g le yee a kar dee d'isi ge kemægé ge no le to.

1 Korit 15:19-26 Bó le loo ge j'isi ge kemæ do naaj nee goo kára ba ba jejj junda meej si yel do Kristi'g ndá kem si wa kor kor-kor unda dewje ge ranj lai. 20 Ne basiné le Kristi tejj mbuna njé ge d'wai'g ya, yee to ne dew ge dongor le deej ge d'wai. 21 Mbata to ge néra dew ge kára ba ya, yoo q ne bee do naaj nee ndá togébè ba néra dew ge kára ba ya dewje d'a tejj ne dökumbwa'g to. 22 To ge dewje lai d'wai gin Adam'g le deej lai ge d'om na'd ge Kristi le d'a tel si ge kemæ le to. 23 Kristi to ge dongor le dee, ne deej ge to ka Kristi mee ndea ge yee a ge ree le d'a tejj koré goo na goo na to. 24 Yen ba rudu ndea a kun diao loo ge yee a tuji möbeeje lai lom, ge njedömonje lai loma, ge njésingamonje ge rara kara lom to ndá yee a rem ge beekq le kom ji Jehova ge to Bo-dewje'g. 25 Mbata le riri kara yee a to mbai do dewje lai-lai saar yee a dum ne do njebaje'g lea lai kuba dee ne gin golee'g més ya. 26 Njebä ge yee a tuji ge rudu dee le ba to yoo.

2 Korit 1:9,10 Meej si jee'g le j'oo ro si ge ka yoo ya dongor. Ne j'om meej si do Jehova'g yee ge njekar dewje d'unda loo tejj loo-yoo'g le bo j'om meej si do ro

sí'g el. 10 Yeę nja ba ɔr sí ta yoo gé togébè ya lém, j'unda meę sí yel dəa'g mba karee teę sę sí ta yoo'g ndɔ gé rang'd bəi tɔ.

2 Koritə 3:6 Yeę nja ar sí siŋga sí tel sí ne gé njékorgoo manɔ gé sigije lé yeę gé to ką Ndil bó yeę gé dee ndang gé ndang el. Mbata yeę gé ndang gé ndang lé ba gé yoo, nę yeę gé ką Ndil ba gé njekula kəmə meę sí'g.

Kolosə 1:21,22 Sejje gé kédé sej undaje rɔ sí bad rɔ Jehova'g lém, takəji lə sí gə néra gé majel lə sí lé sej toje ne njébajé ləa lém tɔ lé basinè mbɔl dɔ kwəi gé njonee oso vad wəi gə darəa lé ba yeę udu ne kəm bə lə sí jigi, 22 mba kar sí teeje aarje neą'g gé njémeendaje lém, mba meę sí ila bal el ləma, mba kar ta kára kara wa dɔ sí'g el lém tɔ.

Əbrəje 2:9 Nę jeę j'oo Jeju, yeę gé Jehova undá aree nai lam bée a kas kuraje gé dara. Jeju lé yą rəa ar yoo mba kar mbɔl dɔ noji lə Jehova lé ba yeę wəi ne ila ne digi kaar yoo'g mbata lə dəwje lai. Nę basinè d'ula dəgugu rənduba dəa'g lém, d'ila ne ribar dəa'g lém tɔ.

Əbrəje 2:14,15 Bée ndá to gé njanje gé d'oji dee to məs gə dakasɔ gé j' rɔ njékoji deeje'g ndá yeę kara un rəa-yeę togébè tɔ mba kar kwəi gé yeę wəi ne ba yeę a tuji ne njekurai gé to njesingamoŋ lə yoo lém, 15 mba kar dee gé bəl d'oo ndòo gin yoo'g lé yeę a kar dee taa rɔ dee jia'g.

Əbrəje 11:5 Meekun lé ba Enɔk sané ne pá mba kar yoo bar ria el lém, kar dəw ée el ŋga lém tɔ mbata Jehova nja unee gé kun, mbata kédé d'ɔr goo ta ləa pana: Nérea lé taa kəm Jehova rəgm.

1 Pierə 3:18 Tɔgərɔ ya, Kristi, njemeekarabasur lé wəi gol kára ba kiao gé njangee mbata lə njéra né kori-korije gə mba kɔr sí ne kaw sə sí kar Jehova ya, darəa ba dee tɔl nę Ndil ba tel ula kəmə mée'g gogo bəi.

2 Pierə 1:3 Loo gé j'a gəree maji ndá mbɔl dɔ siŋgamoŋ ləa gé ką Jehova lé nja j'a kiŋga ne néje lai gé j'aw ndòo dee gə mba kisi ne gə kəmə lém, gə meę sí gé nda london lém tɔ. Yee ba yeę ɔr sí ɔm sí ne gée'g gə mba kar rənduba ləa gə meemaji ləa ɔm dɔ sí'g.

1 Ją 3:14 Jeę lé jeę n'gər gao, j'unda loo-yoo ŋgaŋ j'uru loo kəmə'g lé mba mbata jeę j'unda ŋgakə sijé dan kəm sí'g. Yeę gé unda ŋgokeq dan kəmee'g el ndá yeę nai dan loo-yoo'g bəi.

1 Ją 5:11 Aa ooje, ta gé yeę tegginee lé ba to nee ya: Jehova nja ar sí kəmə gé gə nō lé. Kəmə gé gə nō lé to gé bee lə ԭonee ya.

Loo gé killa rea kəm Ją'g 21:6 Tɔbəi yeę ulam pana: Neę n'tolee bém. Neę n'to Alpa gə Omega, yeę gé dɔtar gə yeę gé rudu tɔ. Yeę gé kudaman tɔlee ndá n'a karee mán kəmə gé aj kəm-rəw-mán gé teę kuji-kuji lé ai, n'a karee gé kar bó yeę a ndogo el.